

Katekese
ba foinfa 'e
iha
Oratorio

Objetivu

Foinsa'e sira hatene se deit mak bele celebra Misa

Foinsa'e sira kompreende sira nia knaar iha Misa

Foinsa'e sira hadomi sira nia knaar iha Misa

Knananuk:

ITA HAMUTUK HO DOMIN

S-38

Ita mai hamutuk, hamutuk ho domin

adora Na'i laran luak.

Ita agradese, hananu hamutuk, hahi ba Na'i rohan laek.

1. Na'i nia domin boot tebes, tane ita nafatin.
Ohin ita mai hamutuk hahi Na'i to'o rohan laek.
2. Hahi Na'i nia knaar, Na'i nia liman knaar tomak
ukun moris raiklaran iha Maromak nia gloria.
3. Moris husik ba bei-beik, ita hanoin nafatin,
maibe Na'i nia domin, hahi ba Na'i to'o rohan laek.
4. Moris ho ita nia knaar, buras iha Nia domin,
ita halibur hamutuk, hahi Na'i to'o rohan laek.

Maromak Niaa Futtar Liafuan Mt 10: 1- 15

Jesus fihir apostolu sira hodi fo knaar ba sira

¹Nia bolu nia eskolante sira na'in sanulu resin rua hodi fo kbiit ba sira atu duni sai espirtu foer sira, no mos atu fo isin diak ba sira hotu nebe terus moras oi-oin. ²Apostolu sira nia naran mak ne'e: ida uluk, Simao nebe ema hanaran Pedro, ho nia alin Andre; Tiago, Zebedeu nia oan, ho nia alin Joao; ³Filipe ho Bartolomeu, Tome ho Mateus publikanu, Tiago, Alfeu nia oan, ho Tadeu, ⁴Simao Kananeu ho Judas Iscariotes, nebe sei saran Nia.

⁵Jesus haruka ema na'in sanulu resin rua ne'e la'o ba hodi hanorin uluk sira dehan: "Keta tuir gentiu sira nia dalan, keta tama iha Samaritanu sira nia sidade, ⁶maibe buka uluk bibi sira nebe lakon housi umakain Israel nian. ⁷Tuir dalan, haklaken ba katak reinu lalehan besik ona. ⁸Halo mo-

esplika kona ba leitura sira ne'e nia pratika.

Ita nia selbrasaun liturjia ka Misa laos atu hatene deit, ka hatene ona ne'e los ona. Wainhira hatene tiha ona ne'e mak iha responsabilidade boot liu tan katak moris tuir. Se lae ita hatene maibe la moris tuir karik hanesan animal ida be han lahatene bosu.

Intrusaun ba jogu

Atu halimar jogu ne'e; animador prepara dadu.

Se mak hetan no.3 nia mak hahu jogu ne'e ka tama uluk. Se nia soe hetan tolu, nia soe tan dala ida atu sura hodi deskobre segredu sira ne'e.

Sira ne'ebé atu joga, hahu iha START. Jogador ida-idak soe/ duir ninia dadu. Se dadu ne'e iha letra/ liafuan karik, nia tenki lee no dehan sai nia naran. Se nia lahatene tenki fila ba kotuk pasu rua.

Se nia dadu para iha objetu ida, nia tenki esplika objetu ne'e uza iha ne'ebé no bainhira mak uza, nsst. Se lahatene fila ba kotik pasu rua. Hanesan ne'e nafatin too remata/ FINISH

Se mak hotu uluk nia mak manan.

Chave

Reposta ba pergunta

Kristu Liurai;
22/11/2015;
Ofertorio;
Tronu;
Leitores;
Misal

Purifikador/ sanguine ;
altar;
Ambaun;
Korporal

ras sira hetan isin diak ba, halo mate sira moris hi'as fali ba, halo moras lepra sira sai mos, duni sai diabu sira. Imi simu hodi la selu, fo mos hodi la hein ema selu imi. ⁹Keta lori osan mean, osan mutin eh osan riti iha imi nia futukabun. ¹⁰La bele lori kohe tuir dalan, hatais tahan rua, sandalias, eh aitonka; basa serbisu na'in soi atu simu nia kolen. ¹¹Wainhira imi tama iha sidade ka knua ruma, husu lai ema se mak diak, hodi hela iha neba to'o imi sai. ¹²Wainhira imi tama iha uma ida, kumprimenta nia ba. ¹³Uma ne'e soi karik, imi nia dame sei tun ba sira; nia la soi karik, imi nia dame sei fila ba imi. ¹⁴Ema la simu imi karik eh rona imi nia liafuan, liki rai rahun housi imi nia ain wainhira imi sai housi uma ka sidade ne'e. ¹⁵Tebes, Ha'u dehan ba imi katak iha loron justisa nian, rai Sodoma no Gomorra sira nia kastigu sei la dun todan hanesan sidade ne'e nian."

Hanesan iha evajellu ita rona, Jezús fihir apostolos sira hodi fo knaar ba sira. Ita sira ida-idak sai sarani tamba Maromak bolu ita no nia fo knaar mai ita ida-idak hanesan Jezús fo ba nia apostolo sira. Atu halo liturgia Eukaristia, ita idaidak iha knaar iha selebrasaun ne'e.

I. ULUK LIU MAK SIRA NE'EBÉ SIMU SAKRAMENTU ORDENASAUN

Halao Selebrasaun Eukaristia hanesan ukun ida, nune'e Bispo mak ulun, Misa ne'e nia rasik mak halo ka liu husi Nailulik sira be tulun iha nia Diosece.

Se karik Bispu ne'e marka prezensa iha Misa ho povu, lolos nia mak tenki celebra Eukaristia ne'e no halibur Padre sira hamutuk ho nia hodi koselebra iha asaun santu ida ne'e. Halo ida ne'e laos tamba solenidade ne'ebé especial, maibe espresaun Misterio Kreda nian ne'ebé klaru, "Sakramentu uniaun nian".

Se karik Bispo la celebra Eukaristia, maibe nia fo knaar ba ema ruma atu halo ida ne'e, apropriado mak nia sei halo Liturgia da Palavra, nia tau crus pectoral, stola, no batina ho alba, no fo bensaun ikus nian.

Iha Kreda Padre mos simu Sakramentu Ordenasaun atu hasa'e Sakrifisiu iha Kristu nia fatin, ho rajaun ida ne'e povu be ohin halibur hamutuk iha ne'e daudaun Padre nu'udar nia ulun, ho sira nia harohan/orasaun, haklaken menjazem salvasaun nian, tau povu hamtuk ho nia an hodi hasa'e sakrifisiu iha Kristo ho Espiríto Santo ba Aman Maromak, fahe ba nia maun alin sira Paun moris rohan laek nian, no han hamutuk ho sira.

Tuir Nailulik, mak Diákonu, ho vertude sagradu ordenasaun nian ne'ebé nia simu, importante liu husi knaar sira seluk ne'e mak celebra,

Selebrasaun Eukaristia ne'e. Orden sagrado diakonatu nian mak iha Kreda hetan onra boot husi Apostolos sira nia tempu kedas. Iha Misa Diákonu iha ninia parte mak haklaken Evanjellu, haklaken Maromak nia Liafuan husi tempu ba tempu, avisu intensaun sira iha Fiar Nain Sira Nia Harohan (oração dos fieis), tulun amululik prepara Altar no serbi selebrasaun sakrifiu nian, fahe komuñau ba fiar nain sira, liu-liu wainhira fo mos Jezús nia Futar Ran, no dala ruma fo hatene ba povu atu hamriik, tur, hakneak, ka lao.

II. DARUAK MAK MAROMAK NIA REINU NIA KNAAR

95. Iha selebrasaun Misa fiar nain sira forma povu santu, povo ne'ebé Maromak harii ba nia an, povu lulik, atu sira bele hahi/ agrade se ba Maromak no hasa'e Vítima be salalaek laos liu husi nailulik nia liman deit maibe hamutuk ho nia, nune'e sira aprende atu hasa'e nia an. Sira tenki, no beibeik, haka'as an atu halo ida ne'e sai klaru ba sira nia sensu relijiosa nian no sira nia karidade hasoru sira nia maun alin sira be hola parte iha selebrasaun be hanesan ho sira.

Nune'e, sira bele hadook an husi individualismu ka fahe malu, uluk nanain tau iha sira nia matan/ hanoin katak sira iha Aman ida deit iha Lalehan no nune'e ema hotu sai maun alin ba malu.

Los duni, sira hamutuk forma isin ida deit, hodi rona Maromak nia liafuan, ka reza hamutuk orasaun sira no hananu, no liu sira ne'e hotu mak hasa'e Sakrifisiu be hanesan no hola parte iha Na'i nia meja. Uniaun ida ne'e furak liu hare husi jestu no lalaok ema hotu bele hare.


Fiar nain sira, nafatin no beibeik, labele baruk (refuse) atu serbi Maromak nia Povu ho ksolok wainhira sira husu atu halo karidade ruma ka guia selebrasaun ruma.

III. KNAAR (serbi) PARTIKULAR

Knaar partikular ne'ebé rekoñese (hari) mak akolito no leitores

Akólitu ne'e harii atu serbi iha altar no atu ajuda nailulik no diákonu. Ninia reponsabilidade liu-liu prepara altar, no kaliks se karik ne'e importante, nu'udar ministru estra ordinario, fahe komunga ba sarani sira. Serbi iha altar, akólitu iha ninia funsaun(cf nos 187-193), ne'ebé nia rasik tenki halo.

Leitor ne'e iha atu haklaken leitura husi Sagrada Eskritura, maibe laos Evanjellu. Nia mos bele lee intensaun sira iha Orasaun dos Fieis, no se karik salmista la iha, haklaken salmu iha leitura nia klaran.



Nune'e mak ita nia liturjia nia koor no siklu iha tinan ida nia laran. Hanesan ne'e mak ita nia liturjia nia sagradu ka halulik eh hametin ho lia hakotu hanaran instrusaun liturjia. Kreda iha mundu tomak halao tuir instrusaun ida ne'e hodi selebra Na'i nia mandatu be dehan "halo ida ne'e hodi hanoin Ha'u" (Lk 22:19). Nune'e ita labele inventa ka aumenta tsn ita nia isiativa, ka dehan hanesan beibeik ita halo foun, lae, se hanoin ka halo nune'e ita halo sala. Tamba selebrasaun liturjia nian ne'e laos ita nia inisiativa, maibe ne'e Kristu nia selebrasaun ita halo tuir deit atu hanoin Nia hanesan nia dehan.

Ita nia parte mak ita tuir ka partesipa didiak selebrasaun ne'e ho fuan no laran tomak, hodi hatan no reza orasaun sira iha msa laran, la falta ba misa iha loron domingu no loron boot hanesan ukun fuan sira haruka. Atensaun rona didiak leitura sira be leitores lee, atensaun ba homilia be

tamba sira fakar/ sakrifika sira nia ran no sira nia moris tamba fiar.

Kór matak: kór matak ne'e, dala barak hatudu sinal natureza, buras, esperansa, hakmatek, fresku, nakonu ho moris no agradese.

Tempu be uza kór ne'e: kór ne'e uza iha domingu komún/ bain-bain iha tempu liturjia nian iha tinan tomak ida nia laran. Iha tempu liturgia nian ne'e ema reflete nia moris ho hakmatek, hodi hare ba Nain nia Misaun iha rai ne'e.

Kór Roxo: kór ida ne'e hatudu nakfilak-an, arepende, neon-kraik no laran susar. Kór ida ne'e mos hatudu fidelidade ka loyaldade, matenek (wisdom) neutral, kuida liu no matan moris.

Tempu be uza kór ne'e: kór ida ne'e uza iha tempu kuaresma no adventu. Iha tempu liturjia ida ne'e konvida ema atu nakfilak-an, matan moris neon nain hodi preparan an atu selebra Festa Natal no Pasku. Kór roxo uza mos wainhira hakohi mate isin no mate bian nia aifunan.

Kór metan: kór ida ne'e hatudu mate, nakukun, tristi, lakon no tauk.

Tempu be uza: kór ida ne'e uza iha tempu selebrasaun ka tempu atu mate/agonia

Kór azul seidaun no sei lasai kór liturjia jeralmente. Maibe iha nasaun balun (Epaña no Méxiku), hetan indultu husi Vatikanu atu bele uza estola ka kazula ho kór azul kman, ba Nain Feto nia Festa. Tamba laos kór be jeral (aprova) maka kór ida ne'e nu'udar ornamentu laos kór principal.

Signifika: kór azul simboliza grasa lalehan nian, Na'in nia liman fatin be rohan laek, hatudu mos esperansa, saude, no hahalok serbi nian.

Iha Selebrasaun Eukaristia, leitor iha ninia offisio propriu (cf nos 194-198), ne'ebé nia rasik mak tenki halo.

Other Ministries (knaar sira seluk)

Se akólitu la iha, leigu (sarani baibain) bele halo knaar ne'e serbi iha altar hodi tulun nailulik no diakono; lori krus, lilin, turíflu, paun, tua, no be, sira moos bele fo knaar atu fahe komunga nu'udar ministru estra ordinario.

Se leitór la mai, leigu (sarani baibain) seluk bele foti nia fatin atu haklaken Sagrada Eskritura. Hare ba katak ema ne'e iha kapasidade no bele lee didiak nune'e mos tenki prepara antes, atu sarani sira rona leitura husi testu ne'e bele haklean no hamanas iha sira nia fuan no moris iha domin tamba Sagrada Eskritura.

Salmista nia knaar mak atu hananu Salmu ka knananuk bíbliku iha leitura sira nia leet. Atu halo tuir lolos ninia funsaun, importante salmista iha kapasidade atu hananu no hananu ho diak no moos (liafuan ema tenki rona moos/ klaru) no iha jeitu.

Iha fiar nain sira nia leet, *schola cantorum* ka koru ne'ebé halo sira nia knaar iha funsaun liturjia nian, seguru no hatene didiak katak iha parte proprio tenki hananu ho knananuk proprio, no tulun sarani sira ativu iha partisipasaun liu husi knananuk. Buat ne'ebé koru sira hananu mos aplika, tuir norma be relevante, ba muzista sira seluk liu-liu organista.

Buat ne'ebé diak mak iha ema ida ka koro gia no tahan povu nia hananu. Wainhira la iha koro, konforme ida be hananu (foti hananu) atu bele hananu knananuk sira nune'e povu hola parte.

Tuir mai ne'e mos hola parte iha funsaun liturjia:

- Sakristanu, ida ne'ebé prepara ho kuida livru sira be usa iha Misa, paramentus, buat seluk be importante iha selebrasaun Misa.
- Komentador, ida ne'ebé prepara sarani sira, wainhira iha momento apropiado, hatoo esplikaun badak no komentariu hodi fo hatene konaba selebrasaun ne'e no halo sarani sira komprende liu tan. Komentador, tenki prepara hodi hare didiak (hare dala rua ka tolu atu la sala) no klaru maski badak. Atu halao ida ne'e, komentador tenki hamriik iha fatin loos hateke ba sarani sira maibe laos iha ambaun (fatin ne'ebé lee leitura)
- Sira ne'ebe foti kolekta (esmola) iha Kreda.
- Sira ne'ebé, iha fatin balun, simu sarani sira iha Kreda nia odamatan boot, lori sira ba falin loos, no guia prosisaun.

Nu'udar ita hare iha leten ne'e, ema hotu hola arte iha selebrasaun

Eukaristia ka Misa, maibe ema ida-idak iha nia knaar atu halao. Iha intrusaun Geral Misal romanu nian dehan tenki prepara didiak atu la sala. Tan ne'e ema ida labele halo hotu, ita fahe atu hot-hotu hola parte. Se ha'u la halo knaar espesiaal hanesan, akólitu, leitor, salmista, kantor nsst, iha misa ne'e, ha'u nia parte mak hatan no reza didiak orasaun iha misa ne'e.

Nu'udar jovem ha'u bele tau naran ka hola parte iha grupo ruma iha Igreja ne'e nune'e ha'u hola parte iha knaar serbi Misa nian. basa sai sar-rani katak Maromak bolu ita atu haklaken Jezús nia liafuan hanesan nia hanorin ba nia Apostolos sira Reinu Lalehan besik ona.

NB

C. Akólitu nia knaar

Knaar ne'ebé akólitu tenke halo mak iha oin-oin no lubuk ida dala ruma iha tempo hanesan deit. Maski nune'e, knaar hirak ne'e ita hatene no bele fahe iha akólitus nia leet. Se karik, iha deit, akólitu ida mesak, nia tenki halo buat ne'ebe importante liu, sira seluk husik ba ema seluk. (sakristana).

Rito hahu nian

Prosisaun ba iha altar, akólitu lori krús, lao iha ema nain rua nia klaran ho lilin lakan (ema nain rua ne'e lori lilin lakan). Too iha altar, akólitu tau loos krús besik altar, nune'e krús ida ne'e sai nu'udar krús iha altar leten. (krús altar nian); se la'e, nia tenki tau iha fatin ne'ebé soi atu tau krús nian. No nia foti fatin iha santurio (fatin beik altar).

Iha selebrasaun tomak, akólitu mak hakbesik ba Nailulik ka Dia-konu, wainhira iha nesesáriu, fo livru ba sira no asisti sira wainhira presi-za. Nune'e, apropriado, se bele, akólitu okupa fatin ne'ebé fasilita sira atu halao sira nia knaar ne'e, iha trono (kadeira) ka iha altar.

Liturjia Eukaristia

Se la iha diákonu, reza liu tiha Orsaun Dos Fieis, amululik hela iha trono, akólitu tau corporal, purifikator, kaliks, pala, no Misal iha altar. Hafoin, se prezisa, akólitu asisti nailulik hodi simu ofertorio husi sarani sira, se prezisa sira lori paun no tua ba altar fo ba nailulik. Se usa insensu, akólitu lori turiblu fo ba nailulik no asisti nia wainhira nia insensu oferta, krús, no altar. Hafoin akólitu insesu nailulik no povu.

Akólitu ne'e harii, nu'udar mistru estra ordinario, se, karik nesesário, akompaña nailulik fo komunga ba sarani sira. Se komunga ne'e

dehan: "Ha'u ema Judeu ida? O nia povu no amlulik boot sira mak saran O ba ha'u. O halo sa ida?"³⁶ Jesus hatan: "Ha'u nia reinu la'os raiklaran ne'e nian. Ha'u nia reinu raiklaran ne'e nian karik, Ha'u nia emar sira sei halo funu atu Ha'u la bele monu ba Judeu sira nia liman. Maibe, Ha'u nia reinu la'os raiklaran ne'e nian."³⁷ Pilatos dehan ba Nia: "Ne'e sa o liurai duni?" Jesus hatan: "O mak dehan katak Ha'u liurai. Tan ne'e mak Ha'u moris, no tan ne'e mak Ha'u mai iha mundu, atu fo sasin ba lialos. Ema hotu lialos nian rona Ha'u nia lia."

Evanjellu hato'o mai ita problema boot ida kona ba, Jezús nu'udar liurai. Ema sira be moris iha Jezús nia tempu ka moris hamutuk ho Jezús iha ninia tempu, la simu liu wainhira sira rona katak Jezús nu'udar Liurai. Iha ema balun, fiar no laran metin iha Jezús, nune'e sira be laran moras ne'e lori Jezús ba Pilatos atu tesi lia ba Nia. Ita mos keta halo nune'e, laran moras ba ema lori nia ba tribunal ka lori lia bosok hodi kesar ba ema seluk.

Evajellu hanesan ne'e, ita rona iha tempu liturjia nia rohan, katak iha festa Kristu Liurai nian. Festa ida ne'e mak hakotu ita nia tempu liturjia iha tinan ida nian, hanesan siklu liturjia hatudu. Liu tiha festa ne'e, ita tama ona ba tinan foun liturjia nian. Tempu Adventu mak loke tinan foun liturjia nian ka siklu liturjia foun.

Tuir mai ita sei ba hare mos koor sira be uza iha tempu liturjia ida-idak ka kor liturjia no ninia arti sira.

Mutin: kór tadak ksolok, moos, santu, lalehan no matenek ka importante. kór mutin mos liga ho moris foun, vitória. Kór sira be tama iha kór mutin nian mak, kór osan mean, kór osan mutin no kór krema. Koor hirak ne'e signifika, rahun diak, hahi, vitória no ksolok rohanlaek.

Tempu be uza kór ne'e: iha tempu Natal no Pakoa, kinta-feira Santa, kazamentu, ordenasaun, festa, agradese, nsst.

Kór Mean: kór ida ne'e hatudu ahi no Espíritu Santu. Kór mean mak si-nal Maromak nia presenza no Martíriu nia ran, domin, sakrifisiu no kbiit iha tradisaun romano antigo, kór mean uza nu'udar símbolu ukun be aas liu ne'e mak kaisar.

Tempu be uza kór ne'e: kór mean baibain uza iha sexta-feira santa, Pentekostes, domingu ramos, Martíriu no Apostolus sira nia festa,

- b. Knananuk ne'e, tuir tempu liturjia nian, festa be ita celebra, no tau/ hananu iha nia fatin loos iha liturjia nian. (ofertoria nian la bele ba hananu fali iha entrada)
- c. Hili knananuk be ema hotu bele hananu
- d. Iha akklamasaun la bele hananu fali salmo responsorial, se lae iha dif-ikuldade boot liu.
- e. Tempu komunga nian tenki fo tempu nonok oituan. Tan ne'e karik tempu komunga husi hahu ka ikus nian diak liu nonok deit. Iha tempu komunga nian labele hananu, knananuk santu sira nian no mos Nain Feto nian, tenki hananu knananuk Eukaristia nian ka Na'i nia knananuk. Tempu komunga Jezús mak tenki sai sentru, laos ema.
- f. Knananuk *Ordinarium* tenki usa testu be los.
- g. Hamoris no uza musika lian Latin no Gregoriano

XXIII

Koor no tempu liturjia

Objetivu

Foinsa'e sira komprende koor no tempu liturjia nian
 Foinsa'e sira hatene koor no tempu Liturjia nian
 Foinsa'e sira moris tuir no prepara an ba tempu litrjia

NA'I LIURAI RAI HOTU NIAN 36

Na'i liurai rai hotu nian, ami hana'i Ita Boot;

Na'i Liurai ami nian, Ita nia ukun rohan laek.

1. Na'i Maromak laran luak. Nia soi ita tan nia domin, no fo mai ita moris rohan laek.
2. Ami hakat ba Ita uma atu hananu no harohan; ami hahi no agradese ita nia kmanek wain.

Jogu hatan perguntas (instrusaun ba jogu iha kotuk)

³³Ne'e duni, Pilatos tama fali ba uma laran. Nia bolu Jesus hodi husu ba Nia: "O Judeu sira nia liurai?" ³⁴Jesus hatan: "O rasik dehan buat ne'e, ka ema seluk mak dehan ba o kona ba Ha'u?" ³⁵Pilatos simu hikas

iha isin no ran, diákonu la iha, akólitu kaer kaliks.

Hanesan mos, Wainhira komunga hotu ona, ho hakmatek akólitu ajuda nailulik ka diákonu hadia altar (hasai kalik, patena, nsst). Wainhira diákonu la iha, se presiza, akólitu lori kaliks ba iha meja kredensia (meza kiik besik altar) hamoos, no hadiak.

[Misa hotu ona, akólitu hamutuk ho sira seluk, sai lao iha prosisaun fila ba sakristia, ho na'ilulik no diákonu hanesan iha hahu nian.](#)

D. Leitores sira nia knaar

Iha Rito hahu nian

Wainhira diákonu la iha, prosisaun hakbesik ba altar, leitor, hatais hena ne'ebé aprova (iha hena ruma ne'ebé leitores sira tau wainhira ba lee leitura) lori *livru Evanjellu*, hiit sa'e oituan. Se nune'e, maka leitor ne'e lao iha nailulik nia oin se lae karik lao hamutuk ho ministru sira seluk.

Too iha altar, leitor hakruuk hamutuk ho sira seluk. Se karik nia lori *livru Evanjellu*, nia hakbesik ba altar no tau *livru evanjellu* iha altar ou iha anbaun leten. Hafoin nia foti fatin iha santurio hamutuk ho minitru sira seluk ka fatin nee'ebe rezerva ona ba leitores.

Liturgia da palavra

Leitor lee leitura iha ambão molok evanjellu. Se karik la iha salmis- ta (ida ne'ebe reza/hananu salmu), leitor haklaken mos Salmu responsori- al wainhira lee liu tiha leitura dahuluk nian.

Wainhira la iha diákonu, amululik reza liu tiha introdusaun ba oração dos fiéis, leitor reza/ haklaken oração dos Fiéis iha ambão.

Se la hananu, iha entrada no iha komuñau no mos anitifona sira iha Misal sarani sira la reza, leitor bele lee antifona sira ne'e iha tempo loos (cf nos. 48, 87).

Sarani ida-idak iha ninia knaar iha misa. maski nia la hetan knaar especial hanesan foin ita koalia, maibe ita iha knaar atu hatan iha misa no reza iha misa ne'e, laos ba misa hamriik ka tur nonok too hotu. Ita nia dahuluk sira, fiar nain/ sarani barak mak sai santu, no sira ne'e hotu balun kala laos nailulik no leitores ka akólito, maibe sira sai santu tamba sira fiel ba Misa (reza). Se ita hetan knaar iha misa, ne'e ita presisa serbí ho kuidadu atu la sala, basa ita sai servente iha Na'i nia festa han hamutuk nian. banati tuir ita nia dahuluk sira nia lalaok moris nian hodi fo an atu Na'i nia grasa suli liu husi ita too ba ema seluk. Se ita halo nune'e mak ita nia santa, santu sira iha Lalehan sei haksolok ho ita.

XXII

Knananuk no liturjia

Objetivu

Foinsa'e sira hatene/distingi knananuk Misa nian no relijiosa nian

Foinsa'e sira kompreende knananuk nia importansia iha misa

Foinsa'e sira hadomi knananuk misa nian no hili musika ba misa tuir nia tempu no momentu

Knananuk: **HAKSOLOK LORON OHIN** 10

1. Haksolok loron ohin ba los Na'i Maromak.
Haksolok loron ohin.
2. Haksolok loron ohin, belun sira hananu.
Haksolok loron ohin.
3. Haksolok ba ita tomak, loron diak haksolok.
Haksolok ba ita tomak.
4. Maromak sei hamutuk, hamutuk ho ita.
Maromak sei hamutuk. **24**

Jogu hatan perguntas

Animador fahe oratorianu ba grupu. Grupu ida mais oumenus 5-10 ka liu, konforme fatin. Aminador husu perguntas tuir mai ne'e.

1. Padre hatais paramentu Misa nian pronto ona, hein atu sarani sira / koro hananu atu nia tama. Imi hananu ba musika ne'e! (múzika entrada nian ida)
2. Sarani sira halo forma naruk ida hakberik ba santuario (iha ne'ebé tau altar ba), misa iha parte ne'e koro tenki hanahu múzika ida ne'ebé? (hatan ho hananu)
3. Na'i, Aman Santu, hahi Ita nafatin..... Tan ne'e, hamutuk ho anju no santu sira, ami hahi Ita Boot nia naran, hodi hananu: knananuk saida mak ita hananu iha ne'e? (hatan ho hananu)
4. Misa iha parte ida, ita hare sarani no akólitus lori; ai-funan, lilin, paun, tua nsst, lori ba altar. Momentu ne'e ita hananu knananuk ida ne'ebé? (hatan ho hananu)
5. Animador bele aumnta

Jesus fo hatene nanis katak Pedro sei heli lia

²⁶Hananu tiha knananuk hahi nian ida, sira sa'e ba Foho Oliveira nian. ²⁷Jesus lia tun ba sira, "Imi hotu sei monu, basa hakerek nanis, 'Ha'u sei hakanek bibi atan; bibi sira sei namkari.'" ²⁸Maibe, moris hi'as tiha housi mate, Ha'u sei ba uluk imi iha Galileia." ²⁹Pedro dehan ba Nia, "Maski hot-hotu sei monu, Ha'u lae!" ³⁰Jesus lia tun ba nia, "Tebes Ha'u dehan ba o katak iha kalan ne'e kedas, molok manu kokorek dala rua, o sei heli lia kona ba Ha'u dala tolu." ³¹Maibe Pedro dehan teni maka'as liu tan, "Maski Ha'u mate ho Ita, Ha'u sei la heli lia!" Eskolante sira seluk mos hateten hanesan ne'e.

Iha evanjellu be ita rona ne'e, koalia kona ba sira sa'e ba foho. Molok sira sa'e sira hananu knananuk hahi nian ida. Ema haksolok deit mak hananu, ema tristi nia tanis. Nune'e wainhira ita iha selebrasaun misa ita hotu hananu hatudu ba Maromak katak ita hasolok ho nia. Iha ita nia moris ita hasolok, hamanasa midar ho belun ida nia mos haksolok, se ita hatudu oin tristi sira mos tristi.

Wainhira ita ba misa, ita laos reza deit maibe hananu mos, nune'e ita aprende múzika liu husi rona no hananu. Se karik loron ida, koro la mai, amululik husu ha'u atu hananu iha misa ha'u la hiili sala múzika sira misa nian ka múzika liturjia nian.

Basa múzika iha liturjia la hanesan ho musika sira relijioza nian (pop music). Buat hirak be presiza uza (instrumentus), no mos musika sira relijioza nian laos automatikamente usa iha liturjia. Múzika liturjia nian, instrumentus no musika be usa iha liturjia, tuir liturjia nia regulamentu, hanesan ninia versu (ninia liafuan sira). Múzika relijioza, musika no instrumentu sira be uza, liu-liu múzika fo ksolok, be uza iha okaziaun oi-oin no iha enkontru sira, dala ruma mos la tuir selebrasaun liturjia nian. Liu-liu múzika relijiosa nian be atu fo ksolok deit. Knananuk liturjia ninia versu/ liafuan foti husi biblia no tuir Kreda nia hanorin, no iha funsaun be es-pesífiku iha misa ka selebrasaun ruma, tuir Misa nia parte ida-idak. knananuk relijioza nian la iha nia es-pesífiku.

Hanoin ruma kona ba knananuk iha Misa no selebrasaun

- a. instrumentu, melodia no versu/lifuan sira nafatin fo atensaun ba variante relijiosu, laos ba banda no fo ksolok ka lae. Hasees husi uza melodia no "rhythm" automatiku be 'rame liu'.